

ARIGAL NOVAS

Boletín informativo
do sector dos áridos
en Galicia

P.08 Arigal segue a apostar polo medio ambiente

Día das árbores, os áridos e a biodiversidade



ASEMBLEA XERAL

P.03 Arigal pide cambios para consumir os mesmos áridos que en Europa

A asociación demanda das Administracións Públicas a adopción de medidas que eleven o consumo de áridos dende as 2,25 toneladas por habitante e ano ata as 5,10.

INNOVACIÓN

P.06 Atrazex copa a metade do mercado nacional para o control de explosivos

A aplicación ideada por Arigal está implantada en 300 canteiras españolas e permite garantir cada ano a trazabilidade dunhas 6.600 toneladas de explosivos.

Índice

Asemblea xeral de Arigal.....	P.03
José Lista, presidente de Arigal e da FdA.....	P.05
Atrazex lidera a seguridade dos explosivos.....	P.06
Días das Árbores nas canteiras e graveiras galegas.....	P.08
O sector dos áridos, en cifras.....	P.10
Arigal loita contra os áridos ilegais.....	P.11
Arigal nos medios de comunicación.....	P.12
Notas breves.....	P.14
Servizos.....	P.15

ARIGAL NOVAS

Arigal Novas nº 1 | Setembro de 2016

Edita | Asociación Galega de Áridos

Fotografía | Arigal e empresas asociadas

Deseño e maquetación | wecom

Imprime | Gráficas Garabal

CONTACTO

Asociación Galega de Áridos

Rúa Agro da Vella, nº3 - 1ºC

CP 15895

Milladoiro (Ames)

A CORUÑA

Arigal é membro de:



FEDERACIÓN
DE ÁRIDOS | FdA



CÁMARA OFICIAL
MINEIRA DE GALICIA





“

Deben desenvolverse plans e iniciativas no ámbito socioeconómico que permitan subir a media do consumo de áridos e tentar que se manteña estable no tempo para que o sector sexa sostible

ARIGAL SOLICITA MEDIDAS PARA IGUALAR O CONSUMO DE ÁRIDOS Á MEDIA EUROPEA

A Asemblea Xeral pide ás Administracións que promovan actuacións que eleven o consumo de áridos dende as 2,25 toneladas por habitante e ano ata as 5,10

A Asociación Galega de Áridos reclama ás Administracións a revitalización da obra pública, un cambio de modelo produtivo e o emprendemento de accións que impulsen o consumo de áridos ata alcanzar a media europea. Na actualidade, o sector vese estancado ao rexistrar unha produción de 2,25 toneladas por habitante ao ano en Galicia, fronte ás 5,10 de media no conxunto do continente.

O presidente de Arigal, José Lista, explicou na Asemblea Xeral da asociación que, tras o lixeiro

repunte de empregos e produción do ano 2015, o sector atópase “estancado neste comezo de ano cunhas cifras negativas non vistas hai anos” e considera que deben desenvolverse “plans e iniciativas socioeconómicas que permitan subir a media do consumo de áridos e tentar que se manteña estable no tempo para que o sector sexa sostible”. Neste contexto, e diante das máis de 80 persoas que acudiron á Asemblea Xeral celebrada no Hotel Puerta del Camino, lembrou a importancia dos áridos e da súa produción

responsable para favorecer o desenvolvemento da sociedade coa construción de estradas, infraestruturas, hospitais, colexios e vivendas, entre outras obras.

Asemade, tras revelar que Arigal ía asumir a presidencia da Federación de Áridos (FdA), na que participan todos os colectivos de España, Lista destacou o éxito obtido con Atrazex, a ferramenta de xestión da trazabilidade de explosivos que foi deseñada pola propia asociación e que, grazas á súa funcionalidade, xa se estendeu a máis de 300 canteiras de España, a metade do mercado existente.

Finalmente, agradeceu o traballo do seu antecesor, Manuel Cortés, e da Cámara Oficial Mineira de Galicia (COMG), convidando aos presentes a prestarlle o seu apoio polo gran labor que está a facer a prol do desenvolvemento do sector.

Investir o orzamentado

A Asemblea Xeral contou coa presenza da conselleira de Infraestruturas, Ethel Vázquez, que cualificou o ano 2015 como "un punto de inflexión tras anos

de contracción" e anticipou que o futuro "pode afrontarse con ánimo renovado e moderado optimismo". Louvou o proxecto de Arigal pola súa "solidez" e lembrou que o sector dos áridos "traballa unicamente para as persoas", antes de destacar a mellora da situación económica e o orzamento "expansivo" da Xunta para 2016.

Por último, e tras defender o bo nivel de investimentos acometidos polo Goberno autonómico no inicio do ano, admitiu que sempre lle di ao seu equipo que "o que está orzamentado hai que executalo e investilo" e amosouse confiada en que haberá un incremento da licitación de obra pública, tal e como reclama o sector dos áridos.

Tamén estiveron presentes o presidente da CEG, Antonio Diéter; a directora do Instituto de Estudos do Territorio, Inés Santé; e o director xeral de Enerxía e Minas, Ángel Bernardo Tahoces, que defendeu a minaría como actividade de progreso e quixo poñer en valor estes materiais como "recurso de utilidade pública".

“

O ano 2015 marcou un punto de inflexión tras anos de contracción e o futuro pode afrontarse con ánimo renovado e con moderado optimismo





JOSÉ LISTA ASUME A PRESIDENCIA DA FEDERACIÓN DE ÁRIDOS DE ESPAÑA

Este nomeamento supón un recoñecemento ao traballo de Arigal nos últimos anos para a posta en valor do sector

O presidente de Arigal, José Lista Tasende, redobrará as súas funcións institucionais no sector, xa que acaba de ser nomeado presidente da Federación de Áridos (FdA). Esta entidade aglutina a representación máis nutrida do sector dos áridos en España, ao estar integrada, ademais de Arigal, polo Gremi d'Àrids de Catalunya, a Asociación de Empresas de Áridos da Comunidade Valenciana (Arival) e a Asociación Nacional de Empresarios Fabricantes de Áridos (Anefa).

José Lista acaba de asumir o cargo en substitución de Joaquim Magalló, da asociación valenciana, tras efectivizarse un traspaso de poderes que xa estaba acordado previamente polos membros da FdA. Da importancia deste recente nomeamento para Arigal, dá boa

conta a representatividade da FdA no territorio español, xa que, dende a súa creación en 2007, defende os intereses das empresas produtoras de áridos nos ámbitos nacional e internacional, representa ao sector diante da Administración central e integra a preto de 700 industrias que xestionan 1.100 canteiras.

A Asociación Galega de Áridos valora este nomeamento de José Lista como un recoñecemento ao traballo desenvolvido nos últimos anos en Galicia para favorecer o impulso do sector, especialmente polas accións realizadas en áreas como a da innovación -coa creación da ferramenta de xestión de explosivos Atrazex- e na do medio ambiente -con actuacións de restauración de espazos e proxectos singulares recoñecidos e premiados en España e Europa-.

En xaneiro substituíu a Manuel Cortés en Arigal

A xunta directiva de Arigal designou en xaneiro a José Lista, da firma Lista Granit (Arteixo), novo presidente en substitución de Manuel Cortés López, de Canteras El Pozo, que presentou a súa renuncia por motivos persoais tras máis de dous anos no cargo.

Lista, que xa ocupara a presidencia de Arigal ata outubro de 2013, volveu asumir dita responsabilidade ata as vindeiras eleccións, previstas para decembro de 2017. A intención do novo presidente é manter unha liña continuista na defensa do sector e na aposta pola minaría responsable, tras un ano moderadamente bo para as empresas de áridos de Galicia.



ATRAZEX, A FERRAMENTA DE ARIGAL PARA O CONTROL DE EXPLOSIVOS, COPA A METADE DO MERCADO ESPAÑOL

A innovadora aplicación ideada pola asociación está imprantada en 300 canteiras de toda España e permite xestionar a trazabilidade de 6.600 toneladas de explosivos anuais



“

Atrazex permite o control, en tempo real e durante as 24 horas do día, de todo movemento de explosivos, almacenando os datos alomenos durante dez anos

En materia de control de explosivos no mercado español, a Asociación Galega de Áridos ten unha participación de preto do 50% do mercado grazas ao desenvolvemento da súa área de innovación e ao deseño de Atrazex. Baixo esta denominación atópase unha solución tecnolóxica baseada en modernas aplicacións informáticas, desenvolvidas coa empresa galega Acore, que garante a xestión axeitada e a seguridade nos movementos de explosivos con fins civís.

As grandes vantaxes de Atrazex radican na súa sinxeleza e na súa funcionalidade, xa que permite o control, de xeito actualizado

e en tempo real, dos explosivos existentes na minaría e na obra civil, e de calquera movemento dos mesmos por medio de dispositivos perfectamente adaptados para ser utilizados nas condicións de traballo máis existentes que haxa nas explotacións.

Deste xeito, Atrazex, que acaba de cumprir o seu primeiro ano de funcionamento tras a súa implantación en canteiras piloto, está a ser utilizado na actualidade por máis de 300 minas de toda España e emprégase na xestión da trazabilidade de máis de 6.600 toneladas de explosivos anuais, o que supón a metade dos utilizados en todo o país. As canteiras galegas



lideran a utilización de Atrazex para o control de explosivos, con 2.240 toneladas anuais, aínda que as catalanas presentan tamén unha cifra semellante, xa que as empresas desa comunidade apostaron moi forte polo proxecto dende o principio. Asimesmo, Atrazex pechou 2015 xestionando a trazabilidade de 672 quilómetros de cordón detonante e 408.000 detonadores e conectores.

O nacemento de Atrazex, que supón unha boa mostra do liderado de Arigal en materia de innovación, xurdiu en xullo de 2014 as raíz dunha xornada técnica na que se fixo patente a necesidade de mellorar os controis de seguridade de explosivos con fins civís. Tras explorar o mercado nacional e europeo, a asociación galega non atopou ningún produto acaído cun custo axeitado e optou polo deseño do seu propio sistema, dando

lugar ao nacemento de Atrazex en setembro de 2014. Tras os estudos de viabilidade, as voladuras e demostracións en canteiras, o deseño e as accións institucionais para a súa homologación, Atrazex comezou a validarse a principios de 2015 e implantouse hai un ano en canteiras piloto para chegar, hoxe en día, a 13 comunidades. Cabe salientar os convenios coas principais asociacións do ámbito extractivo, como EuskalÁrido, Gremi d'Árids ou Federación de Áridos, e a continuidade no crecemento de usuarios debido á calidade do servizo.

Atrazex permite, en tempo real e durante as 24 horas do día -almacenando os datos durante dez anos como mínimo-, o control de todo movemento de explosivos que se produza entre as fábricas ou os distribuidores e o usuario final, así como a xeración da

documentación de seguimento do Goberno central e da Garda Civil, que sempre respaldou e louvou esta solución tecnolóxica pola súa funcionalidade en aras da seguridade. Asemade, o sistema impulsou dende o comezo a actual tramitación electrónica, seguindo na procura de aumentar dita tramitación e homoxenización de procedementos en todos os territorios.

A utilidade de Atrazex é fundamental para asegurar, grazas ao cruce actualizado de datos e a súa dispoñibilidade nunha base de datos on-line de acceso restrinxido, o emprego axeitado de explosivos. De feito, o seu beneficio social radica na seguridade que aporta á sociedade civil respecto destes materiais perigosos pero necesarios, xa que a súa implantación detecta calquera incidencia en tempo real.



“

Con esta actividade, Arigal pretende darlle visibilidade ao seu gran esforzo a prol da recuperación medioambiental das zonas de extracción das canteiras, que xa deu os seus froitos coa repoboación de 4.000 árbores en 2015 e máis de 35.000 no último lustro

CEN ESCOLARES GALEGOS REALIZAN PRANTACIÓNS NO DÍA DAS ÁRBORES

Escolares de Vilar de Santos, Sandiás, Cariño e Mañón colocan 190 árbores en zonas restauradas de Graveras Castro, Áridos Antelanos, Pasek Minerales e Cuarzos Industriales

Un cento de escolares galegos participaron nas actividades da novena edición do Día das árbores, os áridos e a biodiversidade, organizado pola Asociación Galega de Áridos nos concellos ourensáns de Vilar de Santos e Sandiás e nos coruñeses de Cariño e Mañón.

A actividade central desta xornada, que pretende difundir entre os cativos e a sociedade a cultura de restauración de territorios, recuperación medioambiental das zonas de extracción e a filosofía da minaría responsable defendida por Arigal, foi a prantación de 190 árbores nas graveiras

e canteiras participantes coa finalidade de visibilizar a implicación do sector galego dos áridos co mantemento e mellora dos ecosistemas naturais.

A actividade na provincia de Ourense desenvolveuse conxuntamente entre as empresas Graveras Castro e Áridos Antelanos, coa participación dos concellos de Vilar de Santos e Sandiás, que estiveron representados polos seus alcaldes. A xornada comezou cunha recepción no consistorio de Vilar de Santos aos 40 cativos participantes, procedentes dos colexios Carlos Cid Arregui (Rairiz da Veiga) e do

CEIP Sandiás. Posteriormente, a comitiva, que contou coa presenza de representantes do Servizo de Minas e da Consellería de Medio Ambiente, así como dos directores técnicos da Cámara Mineira de Galicia e de Arigal, desprazouse ata as dúas graveiras para prantar medio cento de árbores segundo o plan de restauración aprobado.

Finalmente, os estudantes, tras recibir unha pequena charla sobre as dúas explotacións participantes e a importancia dos áridos na vida cotiá dos seres humanos, pecharon a xornada lúdico-formativa no Museo da Lagoa de Sandiás.



Na provincia da Coruña, o Día das Árbores, que se celebrou de xeito coordinado en once comunidades españolas coa participación de 17 empresas, levouse a cabo en Mina David (Cariño), de Pasek Minerales, e en Mina Sonia (Mañón), de Cuarzos Industriales. Na primeira das canteiras realizouse a prantación dun cento de bidueiros por parte de trinta estudantes do IES Cabo Ortegal.

O acto contou coa presenza dos presidentes de Arigal e da Cámara Mineira, José Lista e Juan de Dios Martín, respectivamente; e de representantes do Servizo de Minas e da corporación municipal do Concello de Cariño. Paralelamente, en Mina

Sonia acometeuse a prantación de 40 bidueiros por parte de trinta escolares do CEIP López Estrada tras un percorrido pola empresa.

Con esta actividade formativa e de concienciación, Arigal pretende dar visibilidade ao seu gran esforzo a prol da recuperación medioambiental das zonas de extracción das canteiras, que xa deu os seus froitos coa prantación de 4.000 árbores en 2015 e máis de 35.000 no último lustro. Os proxectos de restauración permitiron actuar de xeito intenso en 35.500 metros cadrados nos últimos cinco anos con suavizado de taludes, recuperación de solos con sementes de terra vexetal e materiais nutritivos, así como as posteriores prantacións.





A facturación sitúase en 37,02 millóns de euros, cun ascenso do 5,5%

En termos económicos, a facturación global das empresas afiliadas, en base ás primeiras estimacións e balanzos do peche do ano, sitúase en 37,028 millóns de euros, o que supón un ascenso do 5,5% en comparación co exercicio precedente, no que se rebasou lixeiramente a barreira dos 35 millóns. Deste xeito, o ano 2015 presenta unhas cifras moderadamente positivas e agárdase que supoña un punto de inflexión para o sector en Galicia ante o atisbo de certa recuperación económica, que podería derivar nun aumento do consumo de áridos. Cabe sinalar que en 2012 consumíanse 3 toneladas por habitante e ano e, só dous exercicios despois, o consumo caeu ata as 2,14 toneladas pola redución das edificacións e as infraestruturas, malia a pretensión de Arigal de que se acometa un cambio de modelo produtivo e a revitalización da obra pública para acadar, de xeito sostible no tempo, a media europea de 5 toneladas por habitante e ano.

A ACTIVIDADE E A PRODUCCIÓN DOS SOCIOS DE ARIGAL MEDRAN MÁIS DUN 5% EN 2015

A asociación pechou o ano 2015, "un exercicio de recuperación", con aumento de explotacións, toneladas extraídas e facturación

Ano	2013	2014	2015
Explotacións	70	61	67
Empregos	865	795	805
Produción (mt)	7.880	6.800	7.140
Produción (m€)	40.678	35.067	37.028

A Asociación Galega de Áridos (Arigal) pechou o ano 2015 cun incremento na súa actividade e nos seus datos de produción tras varios anos de descensos xenerados pola longa crise económica, que afectou con especial incidencia á construción e ás infraestruturas. Os principais parámetros medraron por enriba do 5%, segundo os datos iniciais sobre o peche do exercicio. O colectivo que aglutina ao sector conta con máis explotacións asociadas, un total de 67, tras terse reducido ata 61 ao peche do ano 2014, o que supón un ascenso de preto do 10%. Nembargantes, a cifra aínda se atopa bastante alonxada das 85 que se contabilizaban no ano 2012.

Tamén se produciu unha lixeira recuperación dos niveis de emprego, aínda que é o parámetro que menos aumenta, tan só un 1,2%. As empresas asociadas a Arigal superaron de novo o listón dos 800 postos de traballo directos, situándose exactamente en 805. En calquera caso, o volume global de ocupación xenerado polos afiliados da asociación dos áridos é moi superior, xa que o emprego indirecto de sectores auxiliares (voladuras, transportes, tecnoloxía...) cífrase en 2.818 ao peche de 2015, o que supón un total de 3.623 postos de traballo dependentes do ramo.

Respecto aos niveis de produción, o exercicio concluíu cun incremento aproximado do 5%, xa que as toneladas extraídas roldaron as 7.140 fronte ás 6.800 do ano 2014, que é o que presenta as cifras máis modestas da última década. A produción media por explotación mantívose nunhas 150.000 toneladas anuais.

A CAMPAÑA LANZADA POR ARIGAL CONTRA OS ÁRIDOS ILEGAIS CHEGA A 320 ADMINISTRACIÓNS DE GALICIA

Denuncia o uso de áridos sen o marcado "CE" en obras públicas sen o seu coñecemento e ponse a disposición das institucións para correxir esta anomalía que perxudica ás canteiras galegas



Arigal emprendeu unha campaña informativa e de sensibilización contra o emprego de áridos ilegais en obras públicas que chegou a 320 administracións da comunidade. De feito, enviouse á Delegación do Goberno, á Xunta de Galicia, ás catro deputacións provinciais e aos 314 concellos galegos unha carta revelando que existen obras públicas en Galicia, licitadas por todos os niveis da administración, que están a ser construídas con materiais ilegais sen o coñecemento dos contratantes. Ademais, na misiva pídese tamén que se incremente o labor de control e inspección dos materiais utilizados nas infraestruturas e edificacións promovidas con cartos públicos.

Para iso, Arigal ponse a disposición das institucións para aclarar dúbidas ou realizar suxestións sobre esta problemática.

O envío completouse cun folleto informativo sobre as consecuencias desta práctica. Entre as mesmas figuran a alteración da calidade da obra, o risco para os usuarios, titulares e a propia obra, a renuncia aos dereitos como consumidor, o padecemento dunha estafa, o menoscabo á durabilidade da obra, o quebranto económico para o titular, o deterioro da calidade de vida, a destrución de empresas e empregos legais no sector dos áridos, o favorecemento de actividades fraudulentas en xeral, á Seguridade Social e á Facenda Pública, o engano ás empresas

aseguradoras e a asunción de responsabilidades que poden perseguirse na vía penal.

Arigal conta con información, corroborada tras cruzar os datos de compravenda e utilización de áridos en Galicia, que confirma que empresas adxudicatarias de obras públicas están empregando na súa construción materiais que carecen do marcado "CE" obrigatorio. Esta situación tamén se está a producir nas obras privadas, aspecto que tamén preocupa a Arigal, pero polo momento a campaña límitase ao ámbito público.

A asociación xustifica o impulso desta campaña en que as administracións deben esixir materias legais nas súas obras e realizar un maior control.

ARIGAL NOS MEDIOS

“Hace falta mucho árido para llegar al consumo medio en Europa”

ENTREVISTA JOSÉ LISTA Presidente de la Asociación Galega de Áridos / Afirmo que todavía quedan importantes recursos por descubrir y utilizar y que debe primar el desarrollo sostenible del territorio.



Un sistema que usan canteras de toda España

José Lista, presidente de la Asociación Galega de Áridos (AGA), afirma que todavía quedan importantes recursos por descubrir y utilizar y que debe primar el desarrollo sostenible del territorio.

El sistema que usan las canteras de toda España para producir áridos es muy eficiente, pero hay que mejorar la gestión de los residuos que se generan en el proceso. Además, es importante fomentar el uso de áridos reciclados en la construcción para reducir el impacto ambiental.

En Galicia, el sector de áridos está creciendo, pero aún hay mucho potencial por descubrir. Es necesario trabajar en la mejora de la calidad de los áridos y en la promoción de su uso en diferentes sectores de la economía.

Expansión

“Lo más triste es que nos han vendido que ya estamos fuera de la crisis y es mentira”

JOSÉ LISTA TASENDE ■ Presidente de la Asociación Galega de Áridos (AGA)



José Lista, presidente de AGA. / Carlos Penabaz

“Crecer ahora es muy fácil. Estamos tan bajos que nada que hagamos es crecimiento”

MANUEL SANJAL

José Lista (Caballo, 1968) asumió la función de enano el cargo de presidente de la Asociación Galega de Áridos (AGA) después de que su predecesor, Manuel Cortés, renunciase por razones personales. El empresario, propietario de la armería Lista Drait, volvió a un puesto que ya ocupó hasta 2013. Año en el que también lo dejó por decisión propia, y liderando el sector hasta diciembre de 2017. Leña en la que están previstas las próximas elecciones en la asociación, asegura que el sector de los áridos ha sufrido mucho con la crisis, muchas empresas se quedaron por el camino pero que está más preparada para afrontar los retos en el futuro. Además, lamenta la gestión de las administraciones, que dan por superada la crisis pero no elevan la inversión para iniciar obras.

“La exportación en el árido no es la salida, el transporte influye mucho en el precio”

El sector de áridos ha sufrido mucho con la crisis, muchas empresas se quedaron por el camino pero que está más preparada para afrontar los retos en el futuro. Además, lamenta la gestión de las administraciones, que dan por superada la crisis pero no elevan la inversión para iniciar obras.

sector Agrupa al 90% de las empresas, los pagamos los empresarios y fue creada, gestionada y patrocinada por los empresarios. Esto y cómodo con la gente que forma la junta directiva y cuando tenemos las asambleas vemos que la asociación se está llenando bien. No me siento presidente sino parte de un grupo de empresas muy bien llevadas. Los temas se abordan de forma muy seria y mirando los intereses de todos. Además, siempre en la misma dirección.

—Algo que no pasa muchas veces en las patronales gallegas...
—Si entre otras cosas porque no nos consideramos patronal en el sentido de que representamos los intereses de los patronos. Buscamos una asociación muy empresarial, más que patronal, de todos los niveles de la empresa, del día a día. Las leyes que nos afectan, la distribución territorial y los asuntos de

75% entre 2006 y 2014 y en empleos pasamos de un millón a 800, un 20% menos. La bajada del 75% es una media en algunas empresas fue del 50% y en otras casi del 100%, con explotaciones que han desaparecido. Es triste porque los áridos van muy ligados al cemento.

—¿Es pasado la producción creció un 5%? Entiendo que tiene que ver con el alza de la licitación de obra pública, porque la construcción está bastante parada...
—Siendo malo, crecer ahora mismo es muy fácil. Estamos tan bajos que nada que hagamos es crecimiento. Lo triste es que nos han vendido que ya estamos fuera de la crisis y es mentira, aún estamos en la crisis. Lo que pasa es que esa bajada se ha parado. Un año con crecimiento aunque sea poco en positivo y tiene la sensación de que has tirado suelta pero eres que estás fuera de la crisis. Hace que esperes que se comience y que igual que estuvimos varios años bajado, haya varios de subidas.

—¿Y en qué sector se crece? Por que los áridos están muy vinculados a la construcción, a la obra pública...
—Construcción de obra nueva no hay. Básicamente en 2010 hubo un parón absoluto, lo que se estaba haciendo se dejó de hacer y estos dos últimos años se han reanunciado. Es una dinámica de acabar obras y se ha conseguido no parar la pequeña inversión que empezaba a salir de estos proyectos. Lo malo es que más obras se han acabado y se ven pocas

Faro de Vigo

A LIMIA

Plantación escolar de árboles en Vilar de Santos y Sandiás

En esta actividad participaron 40 alumnos de los colegios públicos de Riazor de Veiga y Sandiás

Los alumnos, durante la recepción que los espera al inicio de Vilar de Santos, San José.

La Región

¡eL Recreo! llega a tu casa!!

La Región

La Región

La Opinión

A Coruña

Local Galicia Actualidad Deportes Economía Opinión Cultura

Empresas en A Coruña Construcción Inmobiliarias Locales Edificios Salud

NO SUBIMOS LO

La Opinión A Coruña | Economía

El coruñés José Lista, presidente de la Federación de Áridos de España

Resumen | A Coruña | 24 de Julio de 2016 | 01:38

El coruñés José Lista Tasende acaba de ser nombrado nuevo presidente de la Federación de Áridos de España en sustitución de Joaquín Magaló. Lista compaginará su nuevo cargo con sus funciones al frente de la Asociación Galega de Áridos (AGA).

Desde esta entidad valoraron ayer el nombramiento de Lista como "un reconocimiento al trabajo desarrollado en Galicia para favorecer el impulso del sector de los áridos, especialmente por las acciones realizadas en el área de innovación, con la creación de la herramienta de gestión de explotaciones Ártaxex -ya extendida a gran parte del mercado nacional- y medio ambiente, con muchas actuaciones de restauración de espacios y proyectos singulares reconocidos en España y Europa". Además, esperan que con Lista al frente de la Federación Española se de más visibilidad al trabajo que se desarrolla desde Galicia.

La Opinión de A Coruña

S DE COMUNICACIÓN

La entrevista

Las asociaciones son ahora CLAVES

José Lista

Al final del año pasado parecía que la cosa estaba ordenándose. Pero ahora creemos que el punto político se ha trasladado en parte de la actividad?

¿El sector está frenado por la situación actual?

¿Qué balance hace de la situación actual?

¿Por qué? ¿Por la paralización de la obra pública?

¿Qué puntos operan? ¿Cuál es el futuro?

¿Cómo se ve el futuro de la actividad?

¿Qué puntos operan? ¿Cuál es el futuro?

¿Cómo se ve el futuro de la actividad?

Atlántico Diario

JOSÉ LISTA TASENDE
PRESIDENTE DE LA FEDERACIÓN DE ÁRIDOS DE ESPAÑA

«Si antes se hacían obras en 3 meses, ahora tardan 3 años»

El directivo gallego critica que el retraso en la adjudicación de proyectos ha llevado a la paralización del sector. Demanda un cambio de modelo que mire hacia Europa y permita mejorar y mantener la producción de las canteras

Ana Lorenzo

¿Qué balance hace de la situación actual?

— El sector está fatal, está parado. El resumen es que no está. Ahora mismo el artículo desapareció del mapa.

¿Por qué? ¿Por la paralización de la obra pública?

— El otro día tuvimos una reunión con representantes de la Xunta y evidentemente ellos defendían su postura, que la inversión se mantenga e incluso aumente. Pero no

¿Cómo influye el panorama político?

— Hay un punto y todo influye. Todo tiene una razón, y la realidad es que hay un punto que llega después de una bajada brutal como consecuencia del boom inmobiliario y de inversiones. En España, estábamos viviendo una juventud loca, y hemos pasado a una vejez anticipada. Nos ha faltado toda la etapa de edad madura y estamos como un enfermo, su terminal, pero sí como un vegetal.

¿Cuál sería la solución?

— El objetivo es buscar el modelo que se está desarrollando en cualquier otro país de Europa para conseguir que aquí haya, ya no digamos crecimiento, sino por lo menos sostenibilidad. Que las infraestructuras se sostengan, que haya un mantenimiento y una mejora de lo que ya tenemos. No pedimos que lo que ya tenemos desaparezca, sino que lo

¿Hay capacidad de mejora en Galicia?

— Galicia tiene unas ventajas a nivel de infraestructuras, porque es más difícil hacer carreteras aquí que en Castilla. Pero además de vivir de la obra local, tenemos que empezar a creer que somos capaces de estar en Europa, de competir y de sacar las rasteñas, y aquí tenemos que empujar todos, administraciones y sector.

¿Las recientes normativas y exigencias han lastrado el despegue del sector?

— Al principio, parecía que tener una cantera parecía una maravilla, y ahora con tantas exigencias parece que se está convirtiendo en un



José Lista (izquierda) con su antecesor en el cargo, Joaquín Magaló

ción de los controles de explosivos, en la que Galicia se convirtió en ejemplo gracias Atraxex (solu-

La Voz de Galicia

José Lista Tasende
Presidente de AGA

La junta directiva de la Asociación Galega de Áridos eligió a José Lista Tasende como nuevo presidente de la patronal, en sustitución de Manuel Cortés. El sector elevó la facturación un 5% en 2015.

El Correo Gallego

Galicia

Dos coruñeses, tras la app que evita el robo de explosivos en las canteras

» En Galicia se mueven cada año alrededor de 2.240 toneladas de este tipo de materiales

Compartir

Demonstración del dispositivo por parte de la Asociación de Áridos de Galicia - Miguel Muñiz


ABC

NOVAS BREVES



Cursos prácticos de formación en seguridade mineira en Vedra, Lugo e Arteixo

Arigal celebrou unha serie de catro cursos prácticos de formación en seguridade mineira en Vedra, Lugo e Arteixo. Os cursos estaban dirixidos a operadores de maquinaria móbil de transporte e camión/volquete en actividades extractivas de exterior; operadores de maquinaria móbil de arranque/carga e pala cargadora/excavadora hidráulica; e operadores e persoal de plantas de tratamento. Con estes catro cursos e outros catro anteriores, o colectivo xa formou, no que vai de 2016, a uns 200 traballadores das canteiras galegas.



Primeira edición da memoria anual de Arigal co balance do ano 2015

Arigal editou e publicou por vez primeira a súa memoria anual de actividades co balance do ano 2015. O documento, de 68 páxinas a toda cor, recolle todas as iniciativas desenvolvidas pola asociación o pasado ano.



Correduría de Seguros Peris, membro adherido de Arigal, presenta ofertas para os asociados

Correduría de Seguros Peris é un novo membro adherido de Arigal e ofrece unha serie de ofertas aos afiliados. Entre as mesmas, figuran o estudo gratuito de pólizas sen custe, a proposta de produtos específicos para o sector, como os destinados a explosivos sen establecemento de franquicia por metros ou euros, e as coberturas ampliadas e vantaxes de contratación.



Convenio coa Cámara Oficial Mineira de Galicia para a utilización de Atrazex

Arigal e a Cámara Oficial Mineira de Galicia (COMG) asinaron un convenio para a xestión da trazabilidade de explosivos en canteiras e minas da comunidade a través do emprego da ferramenta informática Atrazex, ideada e desenvolvida por Arigal. O presidente, José Lista, e o da COMG, Juan de Dios Martín, rubricaron o acordo.



wecom xestiona a relación cos medios informativos

A empresa wecom Consultora de Comunicación y Relaciones Públicas asumiu dende comezos de 2016 o labor do departamento de comunicación e prensa de Arigal para xestionar as relacións cos medios informativos dun xeito profesionalizado.

ARIGAL OFRÉCELLES AOS ASOCIADOS UN AMPLO ABANO DE SERVIZOS



“

Arigal está a centrar os seus esforzos na actualidade na posta en marcha dun Servizo de Prevención Mancomunado para o sector dos áridos en Galicia

Formación, capacitación técnica, innovación, asesoramento e coordinación, elaboración de estudos, divulgación e interlocución institucional

A Asociación Galega de Áridos (Arigal) presta, dende a súa creación, un amplo abano de servizos a prol dos seus asociados que se basean en actividades de formación en materias como riscos laborais, enerxía ou medio ambiente; capacitación técnica; deseño de ferramentas de innovación; cuestións financeiras e de asesoramento; divulgación e comunicación; coordinación xeral de accións e de posicionamentos do sector; elaboración de estudos e informes; e representación institucional e negociación coas administracións públicas, entre outras.

Nembargantes, Arigal está centrando os seus esforzos na actualidade na posta en marcha do seu proxecto máis ambicioso nesta área, consistente na constitución dun Servizo de Prevención Mancomunado para o sector dos Áridos de Galicia. Dita iniciativa consiste, ante os datos existentes sobre a situación e as medidas contra o pó de sílice nas explotacións, na creación dun servizo que conte con técnicos especialistas, unifique os criterios de mostreo e postos de traballo, avalíe os datos e impacto da situación, propoña medidas corretoras eficientes e maximice os recursos

garantindo un servizo óptimo cun custe empresarial axeitado.

O Servizo de Prevención Mancomunado, que precisa dun forte investimento inicial, xa está bastante avanzado e permitirá impulsar o funcionamento global da área de seguridade e saúde laboral de todas as empresas asociadas, mellorando as condicións, xa de por sí boas, dos traballadores e o funcionamento das canteiras. En principio, preténdese elaborar un servizo a medio prazo cun horizonte de cinco anos, pero a intención, ante as perspectivas de rendemento previstas, é outorgarlle continuidade no tempo.



minaría **responsable**
minaría **sostible**



ARIGAL

ASOCIACIÓN GALEGA DE ARIDOS